

續山東考古錄

續山東考古錄卷之八

滄州葉圭綬子佩甫述

武定府上

惠民縣

秦厭次縣地漢富平縣地後漢魏晉後魏厭次縣地後魏青州  
曾治縣之羊關城齊周陽信縣地

水經注河水逕枋縣厭次南爲厭次河或曰河當作津元和志黃河

在厭次南此隋唐厭次三里知古厭次南境諸河秦與前漢河雖

不逕此然可證厭次境至此也今陷棣州城南之聶索河卽

河故渠可證縣境皆厭次地

魏志厭次有羊關城傳監眼傳父靈越文成時拜爲青州刺史鎮羊關城宋恐靈越在邊擾三齊乃以靈越叔父瑗爲冀州從事乾愛爲樂陵太守樂陵與羊關距河相對按宋樂陵郡漢千乘郡也羊關城當在今治東南蓋後魏未得青州時青州遙領於此或以宋樂陵爲實土謂羊關城當在縣西北則大誤 舊唐志棣州漢樂安郡通典以爲宋樂安郡按漢宋樂安郡皆不在此王莽改厭次名樂安唐以名郡耳

隋滄州厭次縣開皇十六年復置屬棣州大業二年屬又陽

信縣地今治自高齊至宋初皆陽信地

隋厭次縣故城在東南四十里今北舊州城又曰陷棣州城

齊乘古蹟篇作在南四十里州郡篇誤作東北

唐河南道

棣州樂安郡

治厭次縣武德四年屬棣州後又屬滄州貞

觀元年屬德州十七年於縣復置棣州又陽信縣地五代因之

舊唐志厭次下不云屬德新唐志不載屬棣又屬滄今並書

舊唐志棣州武德六年併入滄州貞觀十七年復置於樂陵

領厭次滴河陽信蒲臺而樂陵自屬滄州考元和志復置棣

州於厭次正在貞觀十七年如在樂陵安有棣州倚郭而屬

滄州之理耶且何時移厭次乎樂陵乃厭次之訛齊乘稱隋

復置厭次於樂陵尤不可解元和志棣州隸河北道新舊

唐志則隸河南道疑景福大河改流後改屬也

州在改流之南

五代厭次縣故城在東南六十里今南舊州城又曰小新城

齊乘五代梁棣州刺史華溫琪以河水爲患徙州於厭次東

南卽唐縣東南也古蹟  
南篇云又南徙十餘里

自注州東南五十三里

宋史李巨衡  
傳作七十里

宋河北東路

棣州  
樂安郡

防禦治厭次縣建隆三年升爲國練尋改

防禦大中祥符八年徙縣於今治本陽信縣地州並徙

宋志大中祥符八年移治陽信縣界八方寺齊乘大中祥符

四年清河水溢壞城徙州治厭次按九域志亦作八年作四

年疑誤州縣並徙不得云移州治厭次所徙本陽信喬氏莊

今城內有地名喬子頭城西北有八方泊

金山東東路棣州防禦治厭次縣

元都省山東濟南路棣州治厭次縣中統二年置濱棣路至元二年廢

明山東布政司濟南府武定州洪武初棣州厭次縣並廢六年置樂安州不立縣宣德元年改

國朝山東布政司武定府治惠民縣初因明舊雍正二年武定州直隸布政司十三年升府置惠民縣爲府治

縣志

乾隆四十七年修知縣倭什布

沿革前漢屬千乘郡後漢樂安國

地一統志濟南志皆謂前漢屬平原郡通志謂前漢屬平

原渤海二郡獨武定州志前漢屬千乘郡從之按通典棣

州漢屬平原渤海千乘三郡地後漢爲平原樂安國地蓋

唐棣州五縣厭次商河平原地渤海蒲臺千乘地陽信則

渤海地最爲核實

後漢仍當  
敘入渤海

後周分置濱州棣州無千乘

地矣明武定州領四縣州治及商河樂陵皆平原地陽信

北境海豐樂陵北境皆渤海地 本朝升府後濱州及所

領來屬又有千乘地一統諸志皆有不合州志誤以唐樂

安郡爲後漢樂安獨以爲千乘地尤爲踈繆未升府以前

州境毫無千乘地於所獨無者而獨有之矣雖然州志仍

兼屬縣言之乃州府志體裁縱使無誤非惠民縣沿革

古蹟西漢厭次在陵縣東漢厭次在陽信辨詳兩縣又云

晉及元魏厭次在馬嶺城廢於北齊復於隋季至唐貞觀

中置棣州於厭次一徙於陷棣州則今之惠民是也再徙於古城爲五代之厭次三徙於喬家莊而爲宋元之厭次按晉厭次不治馬領城隋復置卽在陷棣州此似復置於馬嶺城唐始徙陷棣州者陷棣州不是今惠民喬家莊不僞爲宋元厭次唐封棣王者四人陷棣州有王府城址按唐諸王皆不就國此不足信

### 青城縣

漢青州千乘郡建信縣及東鄒縣地

縣志圖亦有花溝鎮蓋與鄒平分界處

建信縣故城在東北十里今新城鎮水經注潔水自東又

東北逕建信縣故城北應劭曰臨濟縣西北五十里有建信



侯城都尉治故城者也按新城鎮在花溝鎮

即東鄒

東北東南

去高苑臨濟故城里數相符魏志臨濟有建新城是信轉爲

新由來久矣王莽改千乘郡曰建新疑莽時郡治此城劉信

起兵討莽遂改信爲新耳備考禹貢雖指稱在高苑西北五

十里亦據應說不知爲今青城地也紀要以此城爲劉宋高

陽僑郡新城縣誤

後漢臨濟縣地

光武封嚴宣爲建新侯見後漢書吳漢傳是後漢初建信猶未省也又光武罷都尉官據應劭

云云蓋後漢未復置都尉於建信故城

鄒平縣地魏晉因之劉宋後魏臨濟縣地

齊周末詳

臨濟省否未詳

隋唐五代朱金鄒平縣地

北境當有隋以後厭次縣地

元都省燕南河北道河間路青城縣太宗七年置屬濟南路中

統中屬陵州至元二年屬

元志青城本青平鎮太宗七年析臨邑寧津地置續通考本  
清平鎮元析臨邑地置 皇輿表元太宗始以鄒平之清平  
鎮又以臨邑寧津地置通志臨邑去青城三百里中隔濟陽  
焉能分地及此且自漢以至金元亦無所謂寧津者未知何

據

謂皇輿表也

按元志自屬可疑寧津實金元所有存疑可矣

元代

州路往往壤地不相接如禹城屬曹州登萊屬般陽皆是卽  
聖可入掖縣平恩可隸堂邑則縣亦有之矣（皇輿表據元  
史何得云未  
知何據乎齊乘不載青城稽其時已置縣未詳

明山東布政司濟南府青城縣洪武二年省入鄒平齊東

省後名青

池店十三年復來屬

續山東考古錄

卷之八

青城縣

五

嶗角尖廬

國朝山東布政司武定府青城縣初因明舊雍正十三年來屬

縣志

乾隆二十四年修  
知縣方鳳

沿革漢梁鄒地誤

南北朝屬平

原以齊平原縣治梁鄒城也縱使縣境屬之亦不足以槩  
南北朝 金天興二年始置縣尋廢其古蹟下又云元置  
青平縣尋改此皆出杜撰故自矛盾

陽信縣

秦齊郡厭次縣

厭次縣故城在東南三十里元和志相傳秦始皇東遊至碣  
石次舍於此因名之

漢青州平原郡富平縣

縣有雲城實渤海郡地詳雜  
考未詳屬何縣疑屬陽信也

富平縣卽秦厭次縣城又名富城又名邵平城又名邵城水

經注南河

自枹縣南

又東北逕馬嶺城城在河曲之中東海王越

斬汲桑於是城又東北逕富平縣故城北應劭曰明帝更名

關駟曰厭次縣本富平矣車騎將軍張安世之封邑非也按

漢書昭帝元鳳六年封右將軍張安世爲富平侯薨子延壽

嗣國在陳留別邑魏郡陳留風俗傳曰陳留尉氏縣安陵鄉

故富平縣也是乃安世所食矣歲入租千餘萬延壽自以身

無功德何堪久居先人大國上書減戶天子以爲有讓徙封

平原并食一邑戶口如故而稅減半十三州志曰明帝永平

五年改曰厭次矣按史記高祖功臣侯者年表高帝六年封

元頃爲侯國徐廣音義曰漢書作爰類是知厭次舊名非始  
明帝蓋復故耳縣西有東方朔冢余按漢書東方朔傳稱平  
原厭次人是武帝時猶名厭次朔墓在此則前漢之厭次富  
平後漢之厭次爲一城可知商河逕其城北在馬嶺城後河  
逕其南境在過枋縣後富平不在今陵縣水經注旣明白如  
此魏志厭次前漢曰富平有富城舊唐志厭次本漢富平縣  
通典厭次漢舊縣又爲富平縣元和志寰宇記並云厭次縣  
本漢富平縣寰宇記又云劭城郡國志後漢爲厭次城有東  
方朔冢陽信下云富平故城漢縣廢縣在今縣東三十里太  
平御覽東方朔蹟皆係棗州不係德州諸書並無異說又如

此獨顏魯公東方像贊碑陰記稱厭次城在安德縣東北二十里廟西南一里蓋厭次本晉樂陵郡治夏侯氏立碑在彼本文自明隋置棣州於厭次後廢唐初復又廢厭次於貞觀元年曾屬德州德州在隋唐爲平原郡治與漢厭次屬平原適合遂移廟於彼縣元初重刻碑其地又適有漢重邱故城因附會而爲此說魯公偶未之考耳 魏志青州樂陵郡陽信縣有千乘城博昌城乃劉宋僑縣所有其滄州陽信下無此文也寰宇記竟係二城於陽信甚誤

後漢青州平原郡厭次縣明帝永平五年改富平復名厭次建安中置樂陵郡魏改國

晉冀州樂陵國治厭次縣西晉末曾爲冀州治

晉志樂陵國首厭次通鑑胡注晉分樂陵國厭次爲治所從

之云晉分誤又晉志稱樂陵國爲漢置魏武於建安中置也夏侯湛東

方朔畫像贊及碑陰並稱魏建安中誤齊乘同晉石苞封樂陵郡公永嘉末王浚

以邵續爲樂陵太守是晉已稱郡魏志厭次有富城邵續

居之曰邵城寰宇記引十六國春秋云內黃人邵續自號冀

州刺史屯富平城尋爲石季龍所擒滅是西晉末厭次爲冀

州治矣補十六國志後趙樂陵國厭次下有馬嶺城又書

東海王越斬汲桑於陽信下考斬汲桑處卽馬嶺城後趙陽

信未徙此也至據魏志書邵城於厭次又據寰宇記書富平

城於陽信愈繆

後魏滄州樂陵郡厭次縣

後魏厭次縣卽馬嶺城在東南三十五里

高齊滄州樂陵郡陽信縣天保七年省厭次入陽信徙陽信來

治馬嶺城周因之

寰宇記無棣縣漢陽信縣地高齊天保七年移於今陽信縣

東馬嶺城 齊乘馬嶺城在縣東十里其時縣卽今治似誤

隋滄州治陽信縣開皇六年於縣置棣州大業二年廢入滄

州時治徙州來治三年改渤海郡

隋志渤海郡下開皇六年置棣州大業二年爲滄州陽信下



云帶郡據寰宇記改郡在大業三年也元和志隋開皇十七

年割滄州陽信置棣州與隋志不同茲從隋志

唐河南道

棣州樂安郡

陽信縣武德初滄州還治饒安四年於陽信

復置棣州六年廢入滄州

據舊唐志新志作八年

貞觀元年省無棣縣入

陽信八年復析置十七年來屬

時復置棣州於厭次

五代因之

唐陽信縣故城在南少西七里今城子務

詳下

新唐志陽信貞

觀元年省八年復置而滄州無棣下云貞觀元年省入陽信

八年復置寰宇記同知陽信下省字下脫無棣入焉四字

宋河北東路

棣州樂安郡

陽信縣大中祥符八年厭次徙縣境八方

寺

詳惠民

采陽信縣卽今治元豐九城志大中祥符八年徙州城及厭  
次縣於陽信縣地復徙陽信於舊厭次縣續通考亦云徙陽  
信於古厭次縣齊乘云厭次陽信互易其地考陽信自齊徙  
馬嶺城後迄宋初無徙治之文寰宇記稱陽信在河曲之中  
似宋初猶治馬嶺城其實非也其無棣下有云齊移於今陽  
信縣東馬嶺城厭次下有云後魏又徙今陽信東馬嶺城此  
宋初陽信已不治馬嶺城之明證元和志陽信南至州六十  
里鈎盤河在縣西北四十里馬嶺城至陷棣州三十許里西  
北至鈎盤河卽屯別南贛今樂陵南徙駭河七八十里又唐陽信已不治馬  
嶺城之明證今城子務齊乘以爲漢陽信城固譏其城在馬

嶺城西北東至邵城三十里東南至陷棣州六十里西北至  
鈎盤河四十里是唐元和時陽信已在彼無疑或陷於陷棣  
州復置厭次馬嶺城相去稍近已徙陽信於此也夫陽信自  
齊徙馬嶺城已爲古厭次地非宋大中祥符八年始徙古厭  
次也厭次徙八方寺固齊以後之陽信地仍漢之厭次地陽  
信徙今治固漢厭次地仍齊以後之陽信地陽信並未徙治  
邵城何得謂舊厭次縣亦未徙於南舊州城北舊州城何得  
謂互易其地近志不知宋徙卽今治妄稱徙於馬嶺城考九  
域志稱陽信在州卽今惠民東北四十五里其爲今治夫復何疑  
蓋宋王存並不知陽信古城所在並不知馬嶺城已爲古厭

次地其時陽信治城子務遂以爲漢縣厭次徙今惠民城子  
務相去太近遂亦東北徙邳城在東遂以爲始徙厭次地耳  
王圻于欽皆因而重其繆

金山東東路棣州陽信縣

元都省山東濟南路棣州陽信縣

明山東布政司濟南府武定州陽信縣

明洪武初廢棣州六年始置樂安州此數年所屬縣當直隸  
於府

國朝山東布政司武定府陽信縣初因明舊雍正二年屬武定  
直隸州十三年州升府仍舊屬

縣志

乾隆二十四年修  
知縣王允保

沿革殷薄姑氏國按寰宇記謨係

僑陽信之千乘博昌二城並未有僑樂陵之姑城此真繆中之繆其圖竟指兩地以當薄姑千乘二城樂氏之貽誤如是 王莽省陽信入東順亭按漢志瑗縣莽曰東順亭其故城在齊河此亦沿寰宇記之誤

詳雜考

又重之以杜撰

隋廢樂陵郡徙渤海郡治陽信開皇六年復廢渤海郡置棣州按隋徙滄州治陽信非徙渤海郡徙州在廢棣州之後非廢郡置棣州改滄州爲渤海郡非改棣州 唐武德元年改棣州爲齊州四年分置棣州治樂陵按唐改齊郡爲齊州非改棣州武德元年並無棣州四年置棣州治

陽信舊唐志有明文不治樂陵 天寶初改棣州爲樂陵

郡陵當作安

寰宇記作安平郡亦筆誤

大中祥符八年徙馬嶺城誤

明州不設附郭按元州已多如此 永樂初以棣字犯

諱改樂安州按此甚是而實非

海豐縣

周齊無棣地

春秋僖公四年左傳北至於無棣杜注齊境元和志鹽山縣

本齊無棣邑隋置無棣縣

今直隸慶雲縣

以縣南無棣溝得名按無

棣溝在今縣北亦無棣地矣林堯叟稱無棣在遼西孤竹以

桓公會至彼耳甚繆

續山東考古錄

卷之八

海豐縣

七

蝸角尖廬

漢幽州渤海郡陽信縣後漢末屬樂陵郡魏因之

陽信縣故城在北十七里今信城俗又稱信陽城據水經注陽信故城在屯氏別河南北二瀆之間寰宇記無棣縣漢陽信縣地東南三十里陽信故城存今縣北信城北有覆繡河卽無棣溝實屯別北河也南有古堤卽屯別南河所逕西北去慶雲東南隋無棣城里數相符稱名未改爲漢陽信城無疑近志誤以其西北之漢荻苴侯城爲龍且城遂以此城爲淮陰所築失考甚矣

晉冀州樂陵國陽信縣

後魏滄州樂陵郡陽信縣高齊徙治厭次之馬嶺城仍爲陽信

地周因之

魏志陽信治陽信城有鹽山神祠蓋後魏以前陽信兼有今直隸慶雲及鹽山之東南境

隋

滄州渤海郡

無棣縣地

開皇六年析陽信置故城在今直隸慶雲縣東南五里或以爲齊無棣邑城無據

唐河北道

滄州景城郡

無棣縣地貞觀元年省入陽信八年復五代

因之周於縣置保順軍

保順軍故城在西北二十里又名東無棣城

宋河北東路

滄州景城郡

無棣縣治平中徙縣來治保順軍城以縣

令兼軍使

齊乘棣州無棣縣漢陽信縣地自注陽信故城在東南三十



里

既知此何又以陽信城子務爲漢城

按于欽時已析置兩無棣此本寰宇記

而係於此方向里數皆不合矣又不載滄州無棣縣殊乖乘

以齊名之義 續通考海豐下隋唐俱置無棣縣宋仍其舊

按名仍舊而治則否也

金南京路滄州無棣縣

元都省山東濟南路棣州無棣縣元初來屬析其半別置無棣

縣屬滄州

元志無棣舊屬滄州元初割無棣之半屬滄州半以來屬按

屬滄者卽今慶雲縣稱西無棣此稱東無棣續通考稱元省

入滄州本朝洪武八年改屬武定州誤甚

洪武八年無武定州

明山東布政司濟南府武定州海豐縣洪武初省棣州之無棣縣六年置海豐縣

海豐縣卽今治明志海豐洪武六年析樂安州南境置又北有無棣縣洪武初省按海豐本無棣縣明初省復置於其東南二十里改今名耳樂安州在縣西南縣安得爲其南境乎志似誤

國朝山東布政司武定府海豐縣初因明舊雍正二年屬武定直隸州十三年州升府仍舊屬

縣志

康熙九年修知縣胡公著

沿革表永樂初改無棣縣爲海豐按縣

爲洪武六年別置非改名也

又引武定志云縣名海豐在洪武六年竊以棣字在洪武

間尙未諱有武定碑文可考按別置縣名海豐非爲避諱改名府志不誤

疆域鈎盤胡蘇二

河所引寰宇記有陵縣慶雲海豐等縣其爲杜撰可知古

蹟無棣城在西北二十里爲隋唐舊縣誤

續山東考古錄卷之九

滄州葉圭綬子佩甫述

武定府下

樂陵縣

漢青州平原郡樂陵縣幽州渤海郡重合縣定縣及千童縣地  
樂陵縣故城在東南二十五里今魏王城後漢書邢昺傳章  
懷注樂陵故城在今樂陵縣東元和志燕將樂毅所築漢  
志臨淮郡樂陵下云侯國此樂陵不云侯國考漢惟史高封  
樂陵侯其子丹封武陽侯食邑在邳可證高所封在臨淮不  
在此水經注元和志並誤

重合縣故城在西北

里詳下

定縣故城在北

里水經注屯氏別河北濱逕重平縣

故城南應劭曰重合縣西南八十里有重平鄉又東北逕重合縣故城南又東北逕定縣故城南地理風俗記曰饒安縣東南三十里有定鄉城故縣也按重平城在今德平西北三十里樂陵在德平東北八十里至德平界五十里重合當在樂陵西北境內二三十里舊稱在縣東南非是 饒安在縣

西北三十里今舊縣鎮定縣在其東南三十里當在縣北古

小於寰宇記定城在饒安南四十里據新饒安言也

今里漢志千童靈帝改曰饒安元和志饒安縣本漢千童縣卽秦

千童城據此似饒安千童是一城而寰宇記滄州下云後魏

熙平二年置州理饒安卽今饒安縣東

當作東南

千童故城饒安

縣下云唐武德元年移治故千童城貞觀十二年移治浮水

城卽今理

今直隸滄州新縣鎮俗曰尋縣

舊唐志亦稱移治千童城則千童

當別一城矣水經注無棣溝逕高樂故城北又東分爲二其

枝瀆東南逕樂陵郡西又東南逕千童故城東史記王子侯

年表曰故重也一作千鍾應劭曰靈帝改曰饒安也按鄆氏

不云千童饒安有兩城則此千童城仍指饒安城高樂故城

卽今南皮東南之董村鎮無棣溝枝瀆自其東入樂陵郡界

又東南正今鹽山舊縣鎮地魏刁遵墓志稱葬於饒安城西

南孝義里其墓在舊縣西少南八里高家莊南舊縣大寺佛  
座多魏齊時饒安人題名舊縣爲舊饒安縣無疑寰宇記引  
十三州志云饒安東南二十里有童鄉亭而疑爲章鄉故城  
章訛爲童考章鄉故城在南皮東南今猶名章鄉莊史記表  
千鍾侯徐廣注曰一作重重本章之訛是千童縣亦可去千  
字而稱童縣童鄉亭旣在饒安東南非千童故城而何以今  
里計當在舊縣東南十二三里樂陵北有千童鄉或在樂陵  
境內也紀要稱在滄州東北鹽山志稱在其縣東北寰宇記  
稱在無棣一統志以爲皆誤是也

後漢青州平原郡樂陵縣冀州渤海郡重合縣及饒安縣地

童

改後漢志脫載建安中樂陵縣屬樂陵郡魏晉因之

後魏滄州樂陵郡治樂陵縣初析置義興郡太和中廢

魏志太和之上

衍晉字

移樂陵郡來治又安德郡重合縣正平元年省

魏志入安陵寰宇記

作樂陵

太和十八年復又浮陽郡饒安縣地齊天保七年省重合

入樂陵

見寰宇記周因之

魏志樂陵有樂陵城寰宇記後魏永平二年徙樂陵於今縣

東五十里樂陵故城按亦當在今縣東也或曰卽魏王城而

別無城以當漢城再考

隋滄

州渤海郡

樂陵縣及饒安縣地開皇初廢樂陵郡十六年分置

鬲津縣

詳下

大業初省入樂陵



唐河北道

滄州景城郡

樂陵縣及饒安縣地武德四年復置鬲津縣

與樂陵並屬棣州六年還屬貞觀元年省鬲津入樂陵太和二年屬棣州旋還屬五代因之

唐樂陵縣故城在西北二十五里寰宇記唐貞觀元年自樂

陵故城

指後魏縣

移縣於今所元和志樂陵縣重合故城在縣東

二百步寰宇記又云鬲津枯河在縣西三里東北流入饒安

界鈞盤河在縣東南五十里按鬲津河在今治北三十許里

唐縣在其南

河運其西則城在河南

去河僅三里一統志稱樂陵西北

二十五里有樂陵故城正重合故地卽唐縣也而通府縣志

皆所不載余鄉亦不聞有此城蓋湮沒久矣

隋唐鬲津縣城無考唐鬲津於貞觀元年省樂陵卽於是年徙唐樂陵城近鬲津疑徙鬲津故城也備考近志有謂卽舊縣鎮者按金志有新舊兩饒安鎮新卽今新縣鎮舊卽舊縣鎮隋時饒安猶治舊城不得又爲鬲津縣治

宋河北東路

滄州景城郡

樂陵縣

宋樂陵縣故城在西南五十里今舊樂陵城宋志樂陵熙寧二年徙治於咸平鎮通志稱唐貞觀中徙咸平鎮誤 九城志樂陵有楊琴口鎮今隸直隸寧津縣知唐宋樂陵有今寧津東境

金南京路滄州樂陵縣

元都省燕南河北道河間路滄州樂陵縣

明山東布政司濟南府武定州樂陵縣洪武元年屬濟寧府二年屬濟南府六年屬樂安州

明樂陵縣卽今治明志洪武二年移治富平鎮考九域志樂陵有郭橋鎮今治北門橋猶名郭鎮橋富平其改名也

國朝山東布政司武定府樂陵縣初因明舊雍正二年屬武定直隸州十三年州升府仍舊屬

縣志

乾隆二十九年修知縣王謙蓋

沿革後漢省千童誤

劉宋樂陵

郡不在此 封國有漢厭次侯爰類富平侯張安世並云

厭次卽樂陵因富平鎮致誤 古蹟樂陵古城有二按樂

陵古城凡有四近志皆無後魏唐兩城 福城在今縣西

北按寰宇記福城當在濟陽 東鄉城前漢東鄉侯方爲

梁敬王子按漢志沛郡有東鄉侯國梁王子那得封此魏

志樂陵有東鄉城卽定鄉音轉耳

商河縣

據水經注商河又名小漳河以聲相近也則當讀夏商之商而隋志唐志皆作滴字通典作商音滴夫許

商所開之說雖見元和志而漢書溝洫志水經注皆無此說蓋漢建始四年讓開屯氏諸河遣許商行視以爲用度不足而罷河平三年商與王延世等塞決河安有開新河之事乎唯水經注已作商作滴者恐係筆誤也

漢青州平原郡朮縣後漢省入般縣魏晉後魏因之齊周末詳

朮縣故城在東北四十里今棘城村水經注商河自般縣南又東

逕朮鄉縣當云朮縣故城南應劭曰般縣東南六十里有朮鄉城

故縣也棘城村在商河北西北去般城里數相符棘枋之轉音也禹貢錐指稱在縣西北非是邢侗云棘城疑爲陳師道集雞籠城之訛未知何據 後漢縣東境或有入厭次者高齊般省入平昌厭次省入陽信縣境或爲兩縣地

隋滄州勃海郡滴河縣開皇十六年置

滴河縣卽今治元和志滴河縣本漢枋縣後漢省隋於此置滴河縣因北有滴河以名之又云滴河在縣北一十五里按漢枋縣城在商河北隋商河城在商河南今縣北十五里馬頰河卽商河也續通典誤稱商河在縣南寰宇記兼採二說竟不自覺矛盾齊乘遂逕以商河城爲枋城近志遂指縣南

黃河故道爲商河一語之繆踵而加厲矣

隋志滴河下云又有後魏潔沃縣後齊省考後魏兩潔沃劉

宋僑置者固不能至縣境其滄州之潔沃仍漢舊縣境

詳濱州

與縣中隔厭次亦不能有其地考宋武移潔陰於巨澤亭縣南境接濟陽實有古潔陰地或誤以爲潔沃歟否則齊省潔沃或亦入陽信隋置商河東境當有高齊陽信南境其地本古厭次潔沃相接處因此致誤歟存疑俟考

唐河南道

棣州安樂郡

滴河縣貞觀元年屬德州十七年屬五代因

之

宋河北東路

棣州安樂郡

商河縣

金山東東路棣州商河縣

元都省山東濟南路棣州商河縣

明山東布政司濟南府武定州商河縣

國朝山東布政司武定府商河縣初因明舊雍正二年屬武定

直隸州十三年州升府仍舊屬

縣志

道光十五年修  
知縣龔廷焯

沿革前漢爲枋爲漯沃按隋志第云

有後魏漯沃尙有不合此須存疑 魏晉劉宋皆漯沃地

按劉宋漯沃在漢千乘郡地斷不及此 元爲無棣縣至

元初改後復改爲商河又云元地志無棣至元二年併入

樂陵以縣治入濟南之棣州尋復置又無棣宋金屬滄州

元初以半屬滄州半屬棣州又商河爲中無棣爲下元史並載似各爲縣而後併入商河按此條之繆殊不可解元無棣並未改商河並未省入樂陵並未省入棣州並未併入商河元史並未有此文無棣商河絕不接壤無故牽混成此巨繆殆不可解

### 濱州

漢青州千乘郡漯沃縣及平原郡富平縣地後漢省漯沃入千乘縣又平原郡厭次縣地魏復置漯沃縣屬樂陵國

水經注地理風俗記曰千乘縣西北五十里有大河河北有漯沃城故縣也按千乘城在高苑北二十五里通典以蒲臺



今蒲臺鎮爲漢深沃縱非故城當在其西不遠一統志稱在今蒲

臺縣西北固是但蒲臺西北大清河正古河渠深沃城在河

北當在濱州南禹貢錐指稱在今蒲臺東則在千乘城東北  
不合紀要稱在蒲臺東南愈繆

魏志厭次有蒲臺祠水經注商河自富平北分爲二水南水南有

蒲臺三齊略曰鬲城東南有蒲臺今東去海三十里齊乘本  
此稱蒲臺爲有鬲氏國後漢以深沃爲鬲縣考證曰于氏云

云蓋續漢志無深沃縣故據劉昭注鬲縣下注引三齊記鬲城東

南有蒲臺也按水經注云云見上今爲濱州地後漢時中隔厭

次深陰樂陵般縣考證誤謂鬲城在德平故不數安德不當與鬲城接而蒲臺

謂今縣 又在其南四十里豈得爲有鬲氏之國乎伏琛齊記或

緣鬲爲平原近縣故以表識方面猶言郡之東南境耳自注

云又按後魏書厭次有富城卽富平之省文酈注敘商河南

北二水承逕富平城之下亦疑訛富爲鬲也余按前說未免

曲爲之辭注說確然無疑魏志蒲臺祠本在厭次可爲明證

蓋齊記筆誤劉氏酈氏皆仍而未改劉氏逕係鬲縣下致成

于氏巨繆此臺在州東十里今日秦臺則州北境爲厭次地

劉宋志濕沃下前漢屬千乘後漢無何云魏立當是魏復立

也宋志僑州郡縣下皆實土沿革其實名是而地非也魏志

亦如此幸每載其山川古蹟後人賴以稽考茲引此以證  
曹魏復立濕沃非謂宋縣在此也 補三國志濕沃下未引此條人將不知所

據矣寰宇記稱宋復置誤

晉冀州樂陵國漯沃縣及厭次縣地

後魏滄州樂陵郡漯沃縣及厭次縣地齊周末詳

魏志漯沃治亂城有后父城水經注魏改漯沃爲後部亭俗  
遂名之曰右輔城按右卽后字訛后輔城卽后父城蓋後魏  
徙治亂城改漢城爲亭也亂城今不可考然漢城在縣當仍  
漢縣故境或曰卽隋蒲臺城備考

高齊漯沃未詳省入何縣州北境當爲齊陽信地

隋滄州勃海郡蒲臺縣開皇十六年置隋亂廢又厭次縣地

蒲臺縣故城在東南二十五里今蒲臺鎮寰宇記蒲臺縣州

濱州東南二十五里又云一作五里非是元和志蒲臺在縣北三十里

按宋省蒲臺入渤海爲鎮九域志渤海有蒲臺鎮卽故治今

蒲臺縣乃金縣 元和志蒲臺縣本漢漯沃地隋開皇三年

改屬滄州十六年改爲蒲臺縣據此是隋初復於亂城置漯

沃開皇十六年乃改名非始置矣

唐河南道

棣州樂安郡

渤海縣蒲臺縣武德三年復置蒲臺縣屬鄒

州八年屬淄州貞觀六年省入高苑七年復垂拱四年析蒲臺

厭次置渤海縣景龍元年蒲臺來屬五代梁唐晉漢因之於渤

海置贍國軍

渤海故城在東四十里天寶五年移於今州治元和志渤海

縣本漢

當作隋

蒲臺縣地垂拱四年分置在棣州東一百一十

里天寶五年以土地鹹鹵自縣西移四十里就李邱村置按新唐志渤海析蒲臺厥次置不僅蒲臺地也

舊唐志淄州下武德八年又以廢鄒州之長白高苑蒲臺三縣來屬景龍元年又割蒲臺隸之後割屬棣州按新唐志蒲臺於景龍元年屬棣州舊志隸之後割四字是衍文

後周河南道濱州治渤海縣顯德三年升贍國軍爲州又蒲臺

縣五代史濱州以其濱海爲名也

宋河北東路

濱州渤海郡

治渤海縣大觀二年賜郡名大中祥符五

年省蒲臺入之爲鎮慶曆三年析置招安縣

金山東東路濱州治渤海縣又析置蒲臺縣明昌三年析置利津縣

元都省山東濟南路濱州治渤海縣州初屬益都路中統三年屬濱棣路至元二年屬

明山東布政司濟南府濱州洪武初廢渤海縣其地直隸於州國朝山東布政司武定府濱州初因明舊雍正二年直隸布政司十三年降散州來屬

縣志

康熙知縣楊宏盛

年修

沿革漢至隋但書屬某郡無縣名不

合古蹟漢後魏兩漯沃城隋蒲臺城唐渤海城皆無之

利津縣

漢漯沃縣地蓼城縣地後漢千乘縣地蓼城縣地魏晉同前漢  
後魏滄州漯沃縣地齊周末詳隋蒲臺縣地唐五代蒲臺縣地  
渤海縣地宋渤海縣之東永利鎮

近志以縣爲齊渠展地管子所云渠展之鹽也無確據後魏時蒲

臺東去海僅三十里今濱州東十里秦臺也今利津霑化海  
豐諸縣古未必有其地矣後世海水東去漸開諸縣近志於  
蒲臺濱州利津霑化皆云古漯沃地一縣有如許大耶今  
諸縣爲古何地亦第約畧言之非敢謂古縣境土所必至

漢千乘郡有蓼城縣都尉泊水經注河水自千乘北又東北過蓼

城縣北其治所雖不可考今蒲臺東境利津南境樂安西北  
境大約皆有其地今本水經注訛蓼作黎禹貢雖指逕改作  
利城微論在齊城北五十里之利縣不能在千乘縣東北且

縣名利不名利城也後漢志劉昭注誤引杜預釋攝城之文於蓼城下齊乘逕以爲古聊攝地失考甚矣

九域志渤海縣有東永利鎮厥次有永利鎮也通志利津故

城在大清河東

縣東門外

縣志云遺址尙存考金置縣迄今未徙

治此或古鎮城或別有古城俟考

金山東東路濱州利津縣明昌三年置

利津縣卽今治

元都省山東濟南路濱州利津縣

明山東布政司濟南府濱州利津縣

附

洪武初置樂安千戶所

後改名武定

續山東考古錄

卷之九

利津縣

十一

蝸角尖廬



武定千戶所故城在東北七十里卽豐國鎮

國朝山東布政司武定府利津縣初因明舊雍正二年屬濱州直隸州十三年來屬 裁千戶所

縣志

康熙十一年修  
知縣韓文煨

古蹟渤海舊城在縣西北濱州界唐

置縣治永利鎮金升爲縣遂省入州按既知渤海城在西  
北何又以爲治永利鎮既爲渤海縣何以金又升縣既云  
升爲縣何以又云省入州既知在濱界何又入縣志無一  
句不誤無一句不矛盾

蒲臺縣

漢至隋同利津縣唐五代蒲臺縣地宋渤海縣地

隋置蒲臺縣在縣北隔大清河五里今隸濱州宋省

互詳濱州

金山山東路濱州蒲臺縣金初復置

金蒲臺縣卽今治金志無始置之年疑劉謙復也

元都省山東般陽路蒲臺縣初屬濱州中統五年屬

明山東布政司濟南府濱州蒲臺縣洪武元年屬淄川州二年屬

國朝山東布政司武定府蒲臺縣初因明舊雍正二年屬濱州直隸州十三年屬

縣志

乾隆二十八年修知縣嚴文典

沿革三國千乘郡潔沃縣按後漢

已改千乘郡爲樂安國魏潔沃屬樂陵國

續山東考古錄

卷之九

蒲臺縣

十一 蝸角尖廬

霑化縣

漢陽信縣地富平縣地後漢魏晉後魏陽信縣地厭次縣地齊周陽信縣地隋陽信縣地厭次縣地唐五代渤海縣地

舊以縣爲漢漯沃縣地以縣爲渤海所分渤海又蒲臺所分故也不知唐渤海北境已爲厭次縣地霑化又在其北烏得爲漯沃地縣治西去漢陽信故城較近漢陽信東界諸海縣境當爲漢厭次陽信兩縣地

宋河北東路濱州招安縣慶厯三年置熙寧五年省爲鎮元豐二年復

招安縣卽今縣治本招安鎮

金山東東路濱州霑化縣本招安明昌六年改

元都省山東濟南路濱州霑化縣

明山東布政司濟南府濱州霑化縣

國朝山東布政司武定府霑化縣初因明舊雍正二年屬濱州  
直隸州十三年屬

縣志

沿革後漢省潔沃入滌陰誤甚

續山東考古錄

卷之九

霑化縣

十三

蝸角尖廬

武定府補遺

惠民縣

宋史真宗紀大中祥符七年冬十一月乙酉濱州河溢八年正月戊戌徙棣州城齊乘云四年清河溢壞城徙治者誤矣 又施昌言傳除河北都轉運使言事者以爲濱棣等六州河可涉宜有城守如邊以待契丹詔昌言與宦官楊懷敏往視昌言曰六州地千里又河數移徙城之甚難而無利契丹未渝盟先自困非便也按宋初州郡十九無城六州謂濱棣德滄貝博也張存傳契丹與元昊結昏聚兵塞上存言河北城久不治宜留意乃以爲都轉運使盡城諸州

濱州

魏書爾朱弼傳爲青州刺史天光之赴韓陵也世隆長史房謨爲齊州行台募士馬以趣四瀆口弼總東陽之衆亦赴亂城揚聲北渡以爲犄角之勢按旣云揚聲北渡亂城當在河南矣

輿地廣記濱州自唐虞以下地理與涿州同涿當作棣

海豐縣

寰宇記保順軍本無棣縣之保順鎮

續山東考古錄卷之十

滄州葉圭綬子佩甫述

臨清直隸州

古以州統郡南北朝以來析州愈多愈小後周置總管府以統諸州唐分天下爲十五道宋曰路而

州始不能直隸京師元以行省統諸府路府路統諸州亦有直隸中書省及行省之州明代州無不領縣者亦無不屬府者無直隸州之名國初因明舊而州不領縣並非朝廷改制實因元明盡廢州所治縣或升縣爲州以州而行縣事與縣等名爲領縣而同爲府屬縣遂運屬於府並領縣之名亡之雍正以來領縣之州皆直隸布政司遂爲定制

本州

漢冀州清河郡貝邱縣及厝縣地

詳清平

魏郡清淵縣後漢因之

厝改 甘陵魏清淵屬陽平郡

貝邱縣故城在

里元和志臨清縣貝邱故城在縣東

南五十里

寰宇記作十五里字倒也近志據之又誤以今州治爲唐臨清遂謂在清平境

今州南十

五里有古城西北去臨清故城里數略同但後魏貝邱城在

漢城東北僅十里此城未詳漢城或後魏城也俟再考

清淵縣故城據水經注當在臨清故城之西南紀要謂在州

東南五十里甚謬余疑卽館陶之青陽城

見館陶

姑從舊說係

此

九域志臨清有張甲河考水經注張甲河首受屯氏別河於

信成縣州西北境當有漢信成縣地但未知今境與宋同否

故不書

漢信成故城在甘陵縣西北五十里隋唐貝州西北十二里水經注寰宇記有明據禹貢錐指屯氏諸河

圖此城在今臨清州西南數十里不在州境亦當在館陶境矣甚不合



晉冀州清河國貝邱縣及清河縣地又司州陽平郡清淵縣後趙石勒置臨清縣屬冀州建興郡後廢

臨清縣故城在西三十五里今倉集水經注田融言趙立建

興郡於

廣宗

城內置臨清縣於水東

清淇水東

自趙石始也

後魏司州陽平郡臨清縣太和二十一年復又清淵縣地徙治今冠縣清水堡又清河郡貝邱縣及清河縣地

舊唐志後魏改清泉爲臨清誤

寰宇記後魏移貝邱於故城東北十里今縣東又有貝邱故城卽後魏所置按如州南十五里者爲漢城後魏貝邱城當在今泊南不遠或曰卽金臨清城備考

高齊洛州清河郡貝邱縣地齊廢臨清縣又廢貝邱縣入清河

改清河爲貝邱

隋時改清陽卽漢厓縣後漢甘陵縣

又清淵縣地周因之

隋

貝州清河郡

臨清縣開皇六年復屬毛州十六年析置沙邱縣復

置貝邱縣

初於平晉城置貝邱縣改爲清平又於此置貝邱

同來屬大業二年省沙邱

入臨清省貝邱入清淵

沙邱縣治無考州志云在西 貝邱復置或漢城或後魏城

亦未詳

唐河北道

貝州清河郡

臨清縣武德四年復置沙邱縣同屬毛州貞

觀元年省沙邱入臨清來屬大歷七年屬瀛州析置永濟縣貞

元末還屬五代梁屬大名府唐屬興唐府晉屬瀘州漢屬大名

府周因之

宋河北東路大名府魏郡臨清縣

金大名路恩州臨清縣

金臨清縣故城在南八里近志稱此城爲宋徙考九域志臨

清縣在京

卽大名

東北一百五十里則元豐時猶在故治州志

云宋高宗時河決所徙然則金徙非宋徙矣

元直隸都省山東濮州臨清縣

明山東布政司東昌府臨清州洪武二年臨清縣來屬宏治二

年升爲州

附

洪武初設臨清衛

洪武二年移今治宏治二年移於西南三里今日新城實舊

城景泰元年復還今治今日舊城實新城

國朝山東布政司臨清直隸州初因明舊乾隆四十一年直隸  
布政司

州志

乾隆四十九年修知州張度未竟五十年知州鄧希魯踵成之

沿革後魏於晉之清

淵城別置清淵縣按上文於後趙但書臨清一縣意謂趙  
省清淵入臨清後魏復析置清淵也抑知趙省清淵古無  
此說而後魏清淵並非晉治乎 隋司州部謬 古蹟漢

清淵城唐省入臨清按當云唐省清水入冠氏漢清淵城  
析入臨清 劉苑二碑在貝邱城水經注云云按此出寰  
字記 宋高宗時徙治曹仁鎮按金志臨清有曹仁鎮則

宋高宗時所徙非此地

武城縣

周趙東武城邑

史記平原君傳封於東武城寰宇記武城縣隋區宇圖云夏

禹七代孫芒

今本訛作芸

封公子武於此建國

國名無考路史稱武城國恐不然也

山河兩戒

考趙邑有平原按史記不云平原君封於平原似非邑名寰宇記通考並云縣有茲歌臺世俗附會耳

漢冀州清河郡東武城縣

定襄郡有武城故此加東

復陽縣

東北境常有東陽縣地

東武城縣故城在西北十許里又名夏城寰宇記古武城在

縣北十里據唐縣言也舊唐志武城舊治古夏城

復陽縣故城在西北

里水經注清河

自東武城

又東北逕復

陽縣故城應劭曰東武城西北三十里有復陽亭故縣也世

名之檻城

後漢書宦者傳李建封復陽侯檻疑建之訛

按縣西北三十里饒陽鎮

去漢縣合古里三十之數當卽復陽故治也

後漢冀州清河國東武城縣省復陽入之三國魏因之晉除東

字

據寰宇記晉志有東字

前秦符堅清河國治

寰宇記符堅長子封清河王居此

後魏司州清河郡武城縣真君三年省繹慕縣入之太和二十

二年復析置高齊天保七年移治於漢信成縣故城縣仍爲武

城地周因之

周建德六年於清河郡置貝州州郡皆治武城

魏志武城有武城則後魏已非漢治今未詳寰宇記後齊天

保七年移武城於漢信成縣故城考齊於是年移清河郡於

彼或後魏武城已移於彼寰宇記有誤歟

隋

貝州

清河郡武城縣開皇初改武城爲清河縣於武城故城復置

武城縣

隋志清河下舊曰武城高齊武城也武城下舊曰東武城古東武城也據寰宇記隋於漢信成城東南十二里別築城移貝州治之復置清河縣於新城武城還治東武城乃紀要選以今清河縣爲東武城何其謬耶

唐河北道

貝州清河郡

武城縣五代因之

唐武城縣故城在西門外衛河西岸舊唐志武城下調露元年移於今治寰宇記唐調露元年武城縣移於永濟渠北義

王橋西二里

宋河北東路

恩州清河郡

武城縣

縣徙今治古無明文紀要以爲宋徙考寰宇記稱舊治爲今縣外城基九域志武城有舊縣鎮金志武城有武城鎮今所謂舊縣與武城鎮者卽指衛河西岸言一統志云大觀中徙金大名路恩州武城縣

元直隸都省山東高唐州武城縣初隸東平路至元七年屬明山東布政司東昌府高唐州武城縣

國朝山東布政司臨清直隸州武城縣初因明舊乾隆四十一年屬



縣志 乾隆十四年修  
道光二十一年續知縣 厲秀芳

### 夏津縣

漢郿縣地靈縣地後漢魏晉後魏因之齊周末詳

續通典夏津本漢靈縣地漢初爲郿縣按縣本兼有兩縣地而措語殊矛盾 高齊郿入平原靈亦省縣境未詳何屬

隋貝州清河郡郿縣開皇十六年復置又析清河置夏津縣大業初

省入清陽縣

隋郿縣故城卽今縣治寰宇記夏津縣隋復於此立郿縣一

統志謂卽今治是也

隋夏津縣故城在北三十里今新縣店又名孫生鎮寰宇記

稱隋夏津城在武城東南四十里以與古夏津城相近

城字疑衍

因以爲名新縣店去武城方位里數皆合蓋隋初夏津與鄒兩縣並置唐初夏津亦在新縣店後省而天寶時改鄒爲夏津故舊志以新生鎮爲隋之夏津是也近志不察謂隋及唐初之鄒縣在漢治唐天寶時徙新縣店又有謂隋夏津無考者皆未詳考耳

唐河北道

貝州清河郡

夏津縣武德四年復析清陽置夏津縣九年

省天寶元年改鄒爲夏津五代因之

宋河北東路大名府魏郡夏津縣

近志稱金徙今治考九域志夏津有孫生鎮縣志云孫生鎮

卽新縣店則非金徙治矣

金大名路大名府夏津縣

元直隸都省山東高唐州夏津縣初屬東平路至元七年屬

明山東布政司東昌府高唐州夏津縣洪武二年省尋復

國朝山東布政司臨清直隸州夏津縣初因明舊雍正八年屬

東昌府乾隆四十一年屬

縣志

乾隆六年修知縣方學成

沿革誤以隋郟縣爲漢縣

古蹟有負

夏殊無依據

郟城在東北三十里按漢縣在平原去縣

不止三十里

邱縣

漢冀州魏郡平恩縣本館陶地宣帝析置又廣平國南曲縣

平恩縣故城在西南四里

南曲縣故城在北四十里今古城營

一曰北營集

水經注漳水自斥

邱北卽裴南肥鄉南列人西

又東北逕平恩縣故城西

後漳水改從城東流

東北逕

南曲縣故城西應劭曰平恩縣北四十里有南曲亭故縣也

紀要誤以南曲爲斥邱城其直隸成安縣亦知斥邱城在其

東南十五里矛盾殊甚至因斥邱而及春秋晉乾侯邑

杜注在斥

邱愈繆通志並稱卽裴城在縣境又因斥邱而誤及者

後漢冀州魏郡平恩縣省南曲入之魏屬廣平郡

晉司州廣平郡平恩縣後魏因之高齊天保七年省斥漳縣入

之移治斥漳城周因之

元和志平恩縣後魏省尋置魏志無此說

隋洛州平恩縣開皇六年改平恩爲洛水唐省入曲周故城在直隸曲周縣西

五十一於平恩故城復置

舊唐志平恩下隋自斥漳城移於平恩故城置寰宇記隋移

平恩於平恩川今理川字似卽字之訛

唐河北道洛州平恩縣五代因之

宋河北西路洛州平恩縣金省入曲周縣爲鎮

元都省山東東昌路邱縣至元二年析入堂邑縣二十六年置

邱縣卽今治元志邱縣本爲鎮隸曲周至元二年併入堂邑

金已併入曲周此可二十六年山東宣慰司言邱縣併入堂  
云析入不可云併入

邑差稅詞訴相去二百餘里壤地絕不相接往復非便平恩有戶二

千七百升縣爲宜遂立邱縣隸東昌按平恩古無邱名宣慰  
上言已稱邱縣蓋吏追改之

明山東布政司東昌府臨清州邱縣初因元舊宏治二年屬

國朝山東布政司臨清直隸州邱縣

縣志乾隆四十七年修沿革斥邱爲館陶之別鄉按水經  
知縣黃景會

注平恩爲館陶之別鄉南宋魏郡隸冀州按誤以僑州

郡爲實土况劉宋僑魏郡既無平恩又無斥邱斥邱北

齊移治斥漳城按平恩沿革皆易以斥邱不知縣與斥邱

毫無干涉元人似誤以斥漳爲斥邱平恩曾治斥漳城遂  
以邱名縣耳徐文范東晉南北朝輿地表稱漢有邱縣齊省斥漳入邱及平恩而移邱治斥漳城按元以前無邱縣名齊移平恩於斥漳城非移邱也